



74
6288
9





大明集禮卷二十四

嘉禮八

親王冠禮

總敘

親王。即周之同姓諸侯漢之諸侯王也。漢室冠諸侯。遣使行事。魏氏冠諸王。用三加禮。晉議冠南宮王。不復加使命。冠汝南王。復用漢遣使之儀。宋冠蕃王。齊冠南郡王。止一加。唐制。親王冠於廳事。主人行禮。天子不自為主。止稱賓贊。

五味均平



24
6288
9

無臨軒遣命之文。三加三醮並同於士。**宋**皇子
楷冠於文德殿。天子自為主。不命有司。陳設儀
如皇太子。但皇太子冠席西向。而皇子席南向。
皇太子醮於客位。而皇子醮於冠席為異耳。其
加冠醴醮皆約士禮而為之也。今擬

國朝親王之冠。皆

天子自為主。其陳設儀同
皇太子。

筮日

儀禮筮日。筮賓。士冠禮也。**唐**開元禮。諸王冠並
筮日於太廟南門外。又本司帥其屬筮日於廳
事。太卜令正占者。各服公服。布筮席。開櫃出策
致祭。**宋**制。前期太史局擇日。今擬

國朝前期太常司關太史監擇日。

告廟

五禮精義。皇帝加元服。告天地宗廟。皇子冠獨
告廟。示親也。亦尊先祖之意。**宋**皇子楷冠。前期
擇日。差官奏告景靈東西宮。文德殿陳設如冠

皇太子儀。今擬

國朝

親王冠。遣官告廟。行一獻禮。

冠服

魏氏冠。親王初加皮弁。次長冠。次進賢冠。**唐**親

王冠。初服雙童髻。出加緇布冠。再加遠游冠。三

加衮冕。**宋**皇子冠。初加折上巾。再加七梁冠。緋

羅大袖衫。三加九旒冕。青衣。朱裳九章。今擬

國朝

皇子冠。初加折上巾。再加七梁冠。緋羅大袖衫。三加九旒冕。青衣。朱裳九章。今擬

親王冠。一加折上巾。再加七梁冠。三加九旒冕。

加數

魏冠。諸王用三加禮。**魏**冠。蕃王其儀止一加。

唐三加。三醮。並同於士。**宋**政和五年。皇子楷冠。

三加。今擬

國朝

親王冠。同**唐****宋**用三加禮。

賓贊

儀禮有筮賓宿贊冠之儀。**唐**制前三日。本司帥

其屬筮日筮賓於廳事訖。主人至賓第告賓。遣使戒贊冠者。宋冠皇子。太常為掌冠。閤門為贊冠。乃行事。今擬

國朝冠

親王前期選禮部太常司官有德望者奏聞為賓贊行事。

樂

唐親王冠如士禮。無樂。宋皇子冠。以開元開寶太子加元服有樂。親王無樂。乃增用大晟樂。今

擬

國朝

親王冠。

天子自為主。必當用樂。同

皇太子冠用樂。

醴醮

古者冠嫡子于東序。冠庶子于序之外。醴適子于戶西。醴庶子于冠之所。所以明醴醮之位不同也。唐制。每一加冠訖。進立於席後南面。賓詣

酒尊所。取爵酌酒進。冠筵前北面祝之。**宋**皇子冠訖。贊冠者跪取爵。內侍以酒注于爵。掌冠受爵跪進皇子席前北面立祝之。今擬

國朝

親王三加冠。賓三進爵于冠席前北向祝。倣唐宋制。

祝辭

唐親王加冠祝辭曰。旨酒既清。嘉薦亶時。始加元服。兄弟具來。孝友時格。永乃保之。再加祝曰。

旨酒既清。嘉薦伊脯。乃申其服。禮儀有序。祭此嘉爵。承天之祐。三加祝曰。旨酒令芳。籩豆有楚。咸加其服。希升折俎。承天之慶。壽福無疆。**宋**皇子冠。初加曰。酒醴和旨。籩豆靜嘉。受爾元服。兄弟具來。永言保之。降福孔皆。再加曰。賓贊既戒。穀核惟旅。申加厥服。禮儀有序。水觀爾成。承天之祐。三加曰。旨酒嘉栗。甘薦令芳。三加爾服。眉壽無疆。永承天休。俾熾而昌。今擬

國朝

祝辭同。

醴辭

唐醴辭同祝辭。開元禮。太子冠而後醴。醴而不醮。親王冠。每一加一醮。宋冠皇子同。制。今擬

國朝醴辭同。

字辭

唐親王冠字之辭曰。禮儀既備。今月吉日。昭告爾字。爰字孔嘉。君子攸宜。宜之于嘏。永受保之。曰伯某甫。宋字皇子之辭曰。歲日云吉。威儀孔時。昭告厥字。君子攸宜。順爾成德。永受保之。奉

勅字某。今擬

國朝字辭行禮。臨時奏聞取旨。

陳設

執事

並同

皇太子加元服儀。

會賓贊

唐親王冠訖。賓出。主送於內門外。請禮賓。賓辭不獲。乃就次。改設席。會訖。主授幣。賓受之。掌事又以幣授贊冠者。賓主再拜。賓退。主入。今擬

親王冠訖禮會賓贊見儀法。

朝謁

唐親王冠訖詣闕至次著朝服通事舍人引詣皇帝所御殿近臣奉即御座引皇子立於階間北面再拜近臣引皇子至皇后殿閣外附奏皇后即御座司言至閣引皇子立於階間北面再拜司言引出閣**宋**皇子冠帝自為主冠訖已躬受帝訓戒惟入內朝見皇后如宮中儀。

國朝

親王冠禮畢內給事引入於御座前禮畢內給事引入內朝見

皇后如宮中儀。

謁東宮

冠禮成人之道也責成人之禮也將責為人子為人臣為人弟為人少者之行也今擬

國朝

親王冠訖朝服謁
東宮詳見儀注

謁廟

古者冠於廟所以尊重事所以自畢而尊先祖也禮成之明日朝服謁廟示有尊也今擬

國朝

親王冠畢擇日謁廟

羣臣稱賀

會羣臣

其禮同

皇太子加元服

王府官賀

會王府官

其禮同正旦賀錫宴

陳服

親王次

冠

冠

冠

冠

品官冠禮

總敘

後世所謂品官。蓋即古之大夫也。古之大夫無冠禮。大夫五十而後爵。何冠禮之有其冠也。則服士服。行士禮而已。自唐至宋。品官冠禮悉倣士禮而增益之。至於冠制。則一品至五品。三加俱用冕。六品而下。三加用爵弁焉。今著品官之儀。始加緇布冠。再加進賢冠。三加爵弁。以為

國朝 品官通行之制。

卷二十四

筮日

唐開元禮五品以上嫡子筮於廟門外無廟筮於正寢之堂宋制三品以上之子將冠筮於廟門之外無廟者筮於正寢之堂主人公服立於門東西面無廟者於堂上兩楹間近東西向掌事者各服其服布筮席筮者開櫝出策執之受命於土曰為某子某日加冠庶幾從之筮者諾釋櫝坐筮訖降席稱占曰從筮者退若不吉則筮遠日如初儀

陳服器

唐開元禮陳衣一品衮冕服九章五章在衣龍山華蟲太宗彝四章在裳藻粉米黼黻二品鷩冕服七章三章在衣華蟲太宗彝四章在裳藻粉米黼黻三品毳冕服五章三章在衣宗彝藻粉米二章在裳黼黻四品絺冕服三章一章在衣粉米二章在裳黼黻五品玄冕衣無章裳刺黼一章六品以下爵弁服青衣纁裳七品以下進賢冠緇布冠三品以上莞筵四加藻席四品

五品蒲筵四。加荏席。六品以下。蒲筵四。不加荏席。一品以下。側尊。纒體在服北。加勺。罍設。姑在尊北。實角。解角。各一。加幕。饌陳於姑北。四品以下。無姑。同設體。庶子尊於房戶外之西。兩甒。玄酒在西。加勺。罍設。姑於尊東。置二爵於姑。加幕。饌陳於服北。一品。俎三。籩十。豆十。三品八。四品五。五品六。六品以下。用特牲。**宋**制。一品至六品以下。冠冕之制同開元。

加冠

唐開元禮。一品至五品行冠禮。初加緇布冠。再加進賢冠。三品以上。進賢冠。三梁。纓青綾導。四品五品以兩梁。六品以下。一梁。三加冕。一品。衮冕。二品。鷩冕。三品。毳冕。四品。絺冕。五品。玄冕。**宋**制。如開元。

賓贊

唐開元禮。前三日筮賓。如筮日之儀。賓謂可使冠子者。故筮之。**宋**制。三品以上。嫡庶冠。筮賓。其儀同筮日。又戒賓宿賓。皆主冠者自行禮。有故聽以函書戒宿。戒宿贊冠者亦如之。

樂

五禮精義云。戴禮云。冠無樂。春秋傳云。必以金石之樂節之。許慎云。人君飯舉樂而冠無樂。非禮意也。故今用正樂為節。今擬品官子冠皆用時俗樂。

醴醮

唐開元禮。三加畢。冠者著服出房戶西南面立。賓主俱興。主者贊冠者盥手洗解於房。酌醴加。相覆之。面葉出房南面立。賓揖冠者。冠者就筵西。南面立。賓進受醴於室戶東。西相面柄。進冠者筵前。北面立祝之。冠者筵西拜受解。**宋**因其制。

祝辭

唐開元禮。三加祝辭。百官自一品至九品祝辭同。始加祝曰。令月吉日。始加元服。棄爾幼志。順爾成德。壽考維祺。介爾景福。再加曰。吉月令辰。乃申爾服。敬爾威儀。淑慎爾德。眉壽萬年。永受胡福。三加曰。以歲之正。以月之令。咸加爾服。凡

弟具在。以成厥德。黃耆無疆。受天之慶。宋因其制。

醮辭

唐開元禮。一品以下嫡子三加冠後酌醴以禮之。其祝辭云。甘醴惟厚。嘉薦令芳。拜受祭之。以定爾祥。承天之休。壽考不忘。其庶子則醮而不體。二加三醮皆用士禮之醮辭。宋通禮因之。

字辭

唐制。一品以下字辭云。禮儀既備。令月吉日。昭

告爾字。爰字孔嘉。髦士攸宜。宜之于嘏。永受保之。曰伯某甫。宋三品以下悉因其制。

冠者見母

唐開元禮。自一品以下。冠者升筵跪。解奠於薦東。興進北面跪。取脯降自西階。入見母。進奠脯於薦前。退再拜以出。冠者母不在。則使人受脯于西階下。宋通禮。三品以下因其制。

謁廟

唐開元禮。明日。冠者朝服見廟。無廟者見祖禰。

於寢質明。贊禮者引入廟南門中庭道西北面。賓贊再拜訖。引出六品以下。見祖禰於正寢。冠者公服陳几筵於正寢。贊禮引至庭北。北面再拜。

宋制如開元。

冠儀

前期擇日。主者告于家廟。無廟則告于祠堂。北面再拜。告云某之子某。年漸長成。將以某月某日加冠於其首。謹以告。乃筮賓。主者北面再拜。告云卜以某甲子吉。冠。某速。某賓加冠。庶幾臨

之。謹告。前二日。主者戒賓及贊冠者。主者至賓大門外。掌次者引之。次。儻者受主者之命入告。賓曰。某之子某將加冠。願吾子教之。賓曰。某不敏。恐不能供事。以辱吾子。敢辭。主者曰。某猶願吾子教之。賓曰。吾子重有命。某敢不從。主者再拜。賓答拜。主者還。賓拜送主者。戒贊冠者亦如之。亦通使之弟戒之。前一日。掌事者設次於大門外之右。南向。其日夙興。掌事者設洗於堂阼階東南。東西當東。當東築。當東築。南北以堂深。罌水在洗。

東加勺幕。篚在洗西南肆。實巾一於篚。加幕席

於東房內西牖下。無房者。張帷為之。陳服於席東。領北

上。莞筵四。加藻席四。在南側。尊甒醴在服北。加

勺幕。設坫。四品以下。設篚。無坫。在尊北。饌陳於坫北。設洗

於東房近北。罍水在洗西。篚在洗東北肆。實以

巾。質明。賓贊至於主者大門外。掌次者引之。坎。

賓贊公服。諸行事者各服其服。六品以下無公服者服常服。

執尊。罍。篚者皆就位。某冠各一廂各一人執之。

待於西階之西。東面北上。設主者之席於阼階

上。西面。賓席於西階東面。冠者席於主者東北。

西面。主者公服立於阼階下。當東序西面。諸親

公服。非公服者常服立於罍洗東南。西面北上。

尊者在別室。儻者公服立於門內道東。北面。將冠者

雙童髻。空頂幘。雙玉導。金質飾。綵袴。褶。錦紳。烏皮履。六品以下。導不以玉。此唐宋之制也。立

於房內。南面。主者贊冠者公服立於房內戶東。

西面。賓及贊冠出次立於門西。贊冠者少退。俱

東面北上。儻者進於主者之左。北面受命。出立

門東。西面曰。敢請事。賓曰。某子有嘉禮。命其執

事。賓者入告。主者迎賓於大門外之東。西面再

拜。賓答拜。凡主賓拜揖皆贊禮者相尊。主者揖贊冠者。贊冠

者報揖。主者又揖賓。賓報揖。主者入。賓及贊冠

者次入。及內門。行至階。主者立於階東。西面。賓贊立於階西。東面。主

者請升。賓曰。某備將事。敢辭。主者固請。賓固辭。

主者終請。賓三辭。主者升自阼階。立於席東。西

向。賓升自西階。立於席西。東向。贊冠者及庭。盥

於洗。升自西階。入於東房。立於主者。贊冠者之

南。俱西面。主者贊冠者引將冠者。立於房外之

西南面。賓之贊冠者取纒櫛簪。跪奠於冠者筵

南端。席北少東。西面立。賓揖將冠者。賓主俱即

席坐。將冠者進升席。西南坐。賓之贊冠者進筵

前。東面跪。脫雙童髻。置於箱。櫛畢。設纒。興復位

立。賓主俱興。賓降至壘。洗盥手訖。詣西階。主者

立於席後。西面。賓立於西階上。東面。執緇布冠

者升授賓。賓降一等受之。右執項。左執前進。將

冠者筵前東向立。祝曰。令月吉日。始加元服。棄

爾幼志。慎爾成德。壽考維祺。介爾景福。乃跪冠。

興復西階上席後東面立賓之贊冠者進筵前
東而跪結纓興復位冠者興賓揖冠者適
房賓主俱坐冠者著青衣素裳之服出房戶西南面立
賓主俱興賓揖冠者冠者進升席西向坐賓之
贊冠者跪脫緇布冠置於箱櫛畢設纒興復位
執進賢冠者升賓降二等受之右執項左執前
進冠者筵前東向立祝曰吉月令辰乃申爾服
恭爾威儀淑慎爾德眉壽萬年永受胡福乃跪
冠興復位賓之贊冠者跪設簪結纓興復位冠

者興賓揖冠者冠者適房賓主俱坐冠者著緋紗服
出自房戶西南面立賓主俱興賓揖冠者冠者
進升席西向坐賓之贊冠者跪脫進賢冠置於
箱櫛畢設纒興復位執爵弁者升賓降三等受
之右執項左執前進冠者筵前東向立祝曰以
歲之正以月之令咸加爾服兄弟具在以成厥
德黃耆無疆受天之慶乃跪冠興復位賓之贊
冠者跪設簪結纓興復位冠者興賓揖冠者適
房賓主俱坐主者贊冠者撤纒櫛簪箱及筵入


於房。又設筵於室戶西南向。冠者著爵弁之服。出房戶西南面立。賓主俱興。主者贊冠者盥手。洗解於房。酌醴出房。南面立。賓揖冠者。冠者就筵西南面立。賓進受醴。進冠者筵前北面立。祝曰。甘醴維厚。嘉薦令芳。拜受祭之。以定爾祥。承天之休。壽考不忘。冠者筵西拜受解。賓復西階上東面答拜。執饌者奉饌薦於冠者筵前。冠者左執解。右取脯。祭於籩豆之間。贊冠者取脯一以授冠者。冠者奠解於薦西以祭。冠者坐。取解

祭醴奠解。再拜。執解。興。賓答拜。賓主俱坐。冠者升筵。跪奠解於薦東。興。進北面跪。取脯降自西階。入見母。進奠脯於席前。退。再拜以出。冠者母不在。則使人受脯於西階下。初冠者入見母。賓主俱興。賓降當西序。東面立。主者降當東序。西面立。冠者既見母。出立於西階東。南面。賓少進。字之曰。禮儀既備。令月吉日。昭告爾字。爰字孔嘉。髦士攸宜。宜之于嘏。永受保之。曰伯某甫。冠者曰。某雖不敏。夙夜祇奉。賓出。主者送於內門。

外。主者西向請賓曰。吾子辱執事。請禮從者。賓曰。某得將事。敢辭。主者固請。賓曰。某既不得命。敢不從。賓就次。主者入。初。賓出冠者東面見諸親。諸親拜之。冠者答拜。冠者西面拜賓之贊冠者。賓之贊冠者答拜。訖。見諸尊於別室。賓主既釋服。改席訖。賓與衆賓俱出。次立於門西東面。主者出門東。西面。主者揖賓。賓報揖。主者先入。賓及衆賓從之。至階。賓立於西階上。贊冠者在北。少退。俱東面。主者立於東階上。西面。衆賓降立於西階下。東面。掌事者以幣篚升授主者。主者授幣篚于賓。賓受之。又以幣篚授贊冠者。贊冠受之。俱復位。主者還阼階上。北面拜送賓。贊降自西階。主者送賓於大門外之東。西面再拜。賓出。主者入。孤子則諸父諸兄戒賓。冠之日。主者紒而迎賓。拜揖讓如冠主。冠於阼階之下。禮賓拜送皆如上儀。明日見廟。冠者朝服。質明。贊禮者引入廟南門中庭道西北面。贊再拜訖。引出。

品官冠禮圖

集禮卷二十四 三



士庶冠禮

總敘

古者冠禮唯士獨存。後世之所謂冠儀皆雜士禮為之也。漢晉以來士禮廢而不講。至於唐宋乃有士庶通禮。雖采士冠儀文。然失之太繁。今以文公家禮為準。而定士庶冠禮。有官者公服。帶靴笏。無官者襴衫。帶靴。通用皂衫。深衣。大帶。履。櫛。簪。掠。其筮。日。戒賓。醴。祝之儀。一遵儀禮。具著于後。以為今日通行之制。

醴進

醴

執冠入

筮日

凡男子年十五至二十皆可冠。將冠，主人盛服親臨。筮日於祠堂之內，西向。具祝版云：某之子某，年漸長成，將以某月某日加冠於其首。得卜則從之。若不吉，則更筮他日。

筮賓

戒賓

前期三日，筮賓如筮日之儀。主人北面再拜，乃告曰：某子某，年若干矣。卜以某甲子冠。吉，乃速賓某以始卒冠事。庶幾臨之。謹告。乃遣人戒賓曰：某有子某。某日將加冠於其首。願吾子之教之也。賓對曰：某不敏，恐不能供事，敢辭。主人不許。賓乃諾。

陳服器

其日夙興，張帷為房于廳事之東。賓主人執事者皆盛服。執事者設盥盆於廳事阼階下東南。陳服于房中西牖下，東向北上。公服帶靴笏，衫帶靴深衣大上幘頭帽巾各承以盤，蒙以巾帕。執事者三人

執之。立于堂下西階之西南向東上。主人立於阼階下。子弟親戚立于盥盆東。賓者立于門外。以俟賓。將冠者雙紒袍勒帛素履待于房中。賓至。主人出迎。揖而入。坐定。冠者出自房。執事者白請行事。

加冠

祝辭

賓之贊者取櫛總篋髡頭置于席南端。賓揖將冠者。將冠者即席西向坐。爲之櫛。合紒施總。加髡頭。賓降。主人亦降。立于阼階下。賓盥手訖。主

人揖讓升。自西階。皆復位。賓降西階一等。執巾者升一等授賓。賓執巾。詣將冠者席前東向。祝曰。令月吉日。始加元服。棄爾幼志。順爾成德。壽考維祺。介爾景福。乃跪。爲之著巾。興。復位。賓揖冠者。適房易服。服深衣大帶出房。即冠席。賓盥如初。降二等受帽。進祝曰。吉月令辰。乃申爾服。敬爾威儀。淑慎爾德。眉壽永年。享受胡福。乃跪冠。興。復位如初。冠者興。賓揖之。適房易服。服旋襜衫。腰帶出房。南向。賓揖之。即席。賓盥如初。降三等

受幘頭進祝曰。以歲之正。以月之令。咸加爾服。兄弟具在。以成厥德。黃耆無疆。受天之慶。贊者撤帽。賓加幘頭。復位如初。冠者與賓揖之。冠者適房。改服公服。執事者撤冠箱。冠席入于帷中。

醴

祝辭

執事者設醴席于西階南向。贊者取盞斟酒于房中。出房立於冠者之南。西向。賓揖冠者。即醴席西向立。賓受盞于贊者。詣席前北向立。祝曰。爾酒既清。嘉薦令芳。拜受祭之。以定爾祥。承天

之休。壽考不忘。冠者席西拜受。賓答拜。執事者薦饌于席前。冠者即席坐。飲食訖。再拜。賓答拜。

字辭

冠者與離席立於西階之東。南向。賓少進。字之曰。禮儀既備。令月吉日。昭告爾字。爰字孔嘉。髦士攸宜。宜之于嘏。永受保之。曰伯某甫。仲叔季唯其所當。冠者拜。賓答拜。

冠者見拜

拜父。父為之起。拜母。母為之起。拜諸父。羣從之。

尊者。遂出見於鄉先生及父之執友。冠者拜先
生。執友皆答拜。

醴賓

賓請退。主人請醴賓。賓辭。固請。許諾。乃入。設酒
饌。延賓及擯。贊酒罷。賓退。主人酬賓及贊者。以
幣多少隨宜。乃拜謝之。

謁廟

冠禮畢。主人以冠者見于祠堂。告辭曰。某之子
某。今日冠畢。敢見。冠者北向焚香。俛伏興。再拜
而出。

大... 禮... 卷... 四

士庶冠禮圖


集禮卷二十四 二十七

張惟為房於廳事之東


將冠者 雙紒

酒壺 盥注

公服帶紒
纈衫帶紒
深衣大帶
櫛篋總



冠席



案

盥盆

纈衫
纈服

賓者

大明集禮卷二十四

醴席

執中者
執帽者
執僕頭者

與

大明集禮卷二十五

嘉禮九

天子納后

總序

天子納后。所以母儀乎天下也。三代以上。不著其禮。至周而六禮之儀始備。一曰納采。二曰問名。三曰納吉。四曰納徵。五曰請期。六曰親迎。五禮皆用鴈。唯納徵用玄纁束帛。加以穀珪。至靈王求昏于齊。遣使稱制拜后。桓公八年。祭

公來。遂逆王后于紀。左氏謂王者至尊無敵。無親迎之禮。故遣魯主昏。而使祭公來迎。東納皇后。遣使納采。以太牢告宗廟。遣大司徒奉采與法駕迎皇后于第。皇后立三月。以禮見高廟。西納皇后。六禮制文用版。升平六年。復命王彪之考定六禮。北齊皇帝納后。納采。問名。告于圓丘。方澤。宗廟。遣太尉奉冊寶璽。綬迎皇后于第。至宮之明日。皇后表謝。又明日。見皇太后於昭陽殿。又擇日謁見太廟。唐皇帝納后。卜日告天地。

宗廟。遣太尉為使。宗正卿為副。持節行六禮。皇后至宮之明日。奉表稱謝。又明日。朝皇太后。擇日廟見。及有受內外命婦賀。及群臣稱賀之禮。又有百寮上禮。及皇帝會群臣之儀。宋皇帝納后之禮。皆與唐同。而無受命婦賀。及群臣朝賀之禮。亦無百寮上禮。及皇帝會群臣之儀。元納后。從其國俗。而儀文不著。今擬

皇帝納后。先期遣官祭告天地。

宗廟。

皇帝臨軒命使行六禮。

皇后至宮之明日。上表稱謝。復受內外命婦朝賀。擇日謁見。

太廟。今集歷代禮物儀文以著于篇。

冠服

周禮。天子納后。冕而親迎。后服首飾禕衣。**兩漢**

納后。不著所服。**晉**迎皇后。皇帝服袞冕。**西晉**皇

帝服繡衣。帶綬佩。**隋**納后。天子具袞冕服。皇后

首飾禕衣。**唐**皇帝納后。其臨軒遣使皆服袞冕

合。袞服通天冠。絳紗袍。皇后服首飾禕衣。表謝

皇后服展衣。廟見還。改服鈿釵禮衣。**宋**納后。臨

軒遣使合。袞皆服通天冠。絳紗袍。皇后服花釵

十二樹。九龍四鳳冠。禕衣。**元**納后用國俗衣冠

今擬



皇帝納

皇后。其臨軒遣使皆服袞冕。同牢服通天冠。絳

紗袍。

皇后首飾以九龍四鳳冠。大小花各十二樹。并兩博鬢寶鈿十二。服用褙衣。

皇后表謝服展衣。其受命婦朝賀朝。

皇太后皆首飾褙衣。其制見冠服篇。其

皇后車輅冊寶制度並見冊

皇后篇。此不復載。

制

凡天子納后六禮必用制皆以版書其制。唐版

長尺二寸。以應十二月。博四寸。以像四時。厚八

分。以像八節。皆真書。盛以匣。宋制文版製同。今

擬

國朝

皇帝納后六禮用制書。

制文


唐納采制。皇帝曰。咨。具官封姓。渾元資始。肇經

人倫。爰及夫婦。以奉天地宗廟。社稷。謀于公卿。

咸以為宜。率由舊典。今使持節太尉封某。宗正

卿封某。以禮納采。答文曰。皇帝嘉命訪昏陋族。備數采擇。臣之女未閑教訓。衣履若如人。欽承舊章。肅奉典制。某官封。臣姓名稽首頓首再拜。承制詔。問名制。皇帝曰。咨某官封姓。兩儀配合。承天統物。正位于內。必俟令族。重章舊典。今使使持節太尉封某。宗正卿某。以禮問名。答文曰。皇帝嘉命。使者某。重宣中制。問臣名族。臣女夫婦所生。先臣故某官之遺孫。先臣故某官之遺曾孫。先臣故某官之遺孫。先臣故某官之

孫女。年若干。欽承舊章。謹奉典制。臣某稽首頓首再拜。承制詔。納吉制。皇帝曰。咨某官姓。人謀龜從。僉曰。貞吉。敬順典禮。今使使持節太尉封某。宗正卿某。以禮納吉。答文曰。皇帝嘉命。使者某。重宣中制。太卜元龜。臣陋族卑鄙。憂懼不堪。欽承舊章。肅奉典制。某官_臣姓某。稽首頓首再拜。承制詔。納徵制。皇帝曰。咨某官姓之女。有母儀之德。窈窕之姿。如山如河。宜奉宗廟。永承天祚。以玄纁珪馬。以章典禮。今使使持節太尉封

某宗正卿封某以禮納徵。答文曰：皇帝嘉命使
者某重宣中制，降昏卑陋，崇以上公，寵以豐禮。
備物典冊，欽承舊章。肅奉典制，某官臣姓名稽
首頓首再拜承制詔。告期制，皇帝曰：咨某官姓
某，謀于公卿，大筮元龜，罔有不臧，率遵典禮。今
使使持節太尉封某宗正卿，封某以禮。告期，答
文曰：皇帝嘉命使，者某重宣中制，告曰：惟某月
某日可迎。臣欽承舊章，肅奉典制。某官臣姓某
稽首頓首再拜承制詔。奉迎制，皇帝曰：咨某官
姓某，吉月令吉日惟某，率由典禮。今遣使持節
太尉封某宗正卿，封某以禮。迎，答文曰：皇帝嘉
命使，者某重宣中詔。令月吉辰，備禮以迎。螻蟻
之族，猥承大禮，憂懼戰悸，欽承舊章，肅奉典制。
某官臣姓某稽首頓首再拜承制詔。制納采
制文，皇帝曰：咨某官姓名，肇經天人，爰始夫婦，
正位基化，敦敘大倫，敷求賢明，是惟令族。率由
盛典，式舉徽章。今遣使持節上公封某宗正卿，
某以禮采擇。答文曰：皇帝嘉命舉大昏之禮，下

九日集禮卷三十一
六
逮微陋。備數采擇。臣之女方祗保傳。式嚴諄誨。恭承令典。肅荷徽章。某官臣姓名稽首頓首再拜承制詔。問名制文。皇帝曰。咨某官姓名。自昔受命之君。必擇建厥配。以奉天地。以承宗廟。以御于家邦。德至茂也。肆朕稽古。永惟大猷。謀于公卿。咸以祗若。率由舊典。式舉徽章。今遣使持節上公封某。宗正卿封某。以禮問名。答文。皇帝嘉命使者某重宣中制。問臣名族。臣先臣某官之遺玄孫。先臣某官之遺曾孫。臣某官姓某之

遺孫女。年若干。恭承令典。肅荷徽章。某官姓名稽首頓首再拜承制詔。告吉制文。皇帝曰。咨某官姓名。稽謀所自。燕及神民。濬發祥占。從以元吉。六合之慶。是爲大同。今遣使持節上公封某。宗正卿封某。以禮告吉。答文。皇帝嘉命使者某重宣中制。太卜元吉。微陋之族。懼不克堪。恭承徽章。肅奉典制。某官臣姓名稽首頓首再拜承制詔。告成制文。皇帝曰。咨某官姓名之女。毓秀中閨。膺華高胄。詠葛覃之本。尊嚴師傳。崇卷耳

之志。夙念恭勤。將延登於太微。永迓承於介福。以玄纁穀珪式彰典禮。今遣使持節上公封某。宗正卿封某。以禮告成。答文皇帝嘉命使者某。重宣中制。降昏卑陋。崇以上公。寵以盛禮。備物典冊。恭承天獎。肅荷徽章。某官臣姓名稽首頓首。再拜承制詔。告期制文。皇帝曰。咨某官姓名。令月吉日。備序來嬪。爰定厥祥。率遵典禮。今遣使持節上公封某。宗正卿封某。以禮告期。答文皇帝嘉命使者某。重宣中制。告曰。某月某日。可迎。臣恭承令典。肅荷徽章。某官臣姓名稽首頓首。再拜承制詔。親迎制文。皇帝曰。咨某官。嘉月惠時。吉日惟某。率由典禮。今遣使持節上公封某。宗正卿封某。備禮以迎。答文皇帝嘉命使者某。重宣中詔。吉日維某。備禮以迎。臣卑陋之族。叨塵大恩。以榮為懼。臣恭承令典。肅荷徽章。某官臣姓名稽首頓首。再拜承制詔。

禮物

伏

氏始嫁娶。以儷皮為禮。

周

制。天子聘女。納

徵加穀珪。漢惠帝納后。納采。鴈。璧。乘馬。束帛。聘黃金二萬斤。馬十二匹。平帝納后。有司奏故事。黃金二萬斤。錢一萬萬。晉納后。用玄纁束帛。加穀珪。馬二駟。羊。鴈。酒。米如故。穆帝納后。王處之。定六禮。納采。用鴈一頭。白羊一口。酒十二斛。米十二斛。問名。納吉。用鴈。羊如前。納徵。用白羊一口。玄纁帛二匹。絳二匹。緇二百匹。獸皮二枚。錢二百萬。玉璧一枚。酒十二斛。白米十二斛。馬六匹。請期。奉迎。用鴈。酒。米如前。唐納采。問名。納吉。請期。奉迎。皆用鴈。惟納徵。用玄纁。米。帛。六馬。穀珪。其他禮物如常儀。宋禮物與唐同。今擬。國朝納采。問名。納吉。請期。奉迎。皆用鴈。納徵。用玄纁。束帛。六馬。穀珪。其他禮物則隨常儀。

樂

漢冊皇后。黃門鼓吹三通。唐臨軒遣使。大樂令展宮懸。鼓吹令設十二案。迎皇后。則備鼓吹。備而不作。宋冊后行六禮。皆大晟府展宮懸之樂。於殿庭橫街之南。其迎皇后。亦備鼓吹。皆備而

不作。今擬

國朝

皇帝納后六禮遣使皆和聲郎陳樂於丹墀。設而不作。奉迎。

皇后則備大樂鼓吹亦備而不作。

皇后車輅將至

午門。則大鳴鐘鼓。

節

漢靈帝納后。命太尉驥持節行六禮。**晉**成帝臨

軒遣使持節迎后。**唐**納后。凡納采。問名。納吉

納徵。請期。奉迎。皆臨軒。命太尉為使。宗正卿為

副。持節行六禮。**唐**制。天子納后。六禮皆以上公

持節。宗正卿為副。使。

祭告

漢平帝將納后。以太牢告宗廟。**北齊**納后。納徵

訖。告圓丘。方澤。及宗廟。**唐**制。將納吉。卜日。告圓

丘。方澤。及宗廟。如加元服之儀。**宋**制。納后。將納

采。先期命太史局擇日。奏告天地社稷及諸陵。

寢宮觀。今擬

國朝 納后遣官祭告天地宗廟。其儀具見於祀天祀地宗廟等篇

納采

納采者。謂始以言語。未擇可否也。**兩漢** 天子納后。皆先遣使持節納采。**漢** 惠帝納魯元公主。文為后。遣使執鴈納采。平帝納后。遣宗正劉宏。尚書令平晏納采。**唐** 制。天子納后。則於太極殿遣使。賫制書。執鴈詣皇后第納采。既至。奠鴈於庭。

主昏者再拜聽宣制書畢。又再拜。以答表授使者。使者受表還。復命。**宋** 制。天子納后。則於文德殿遣使持節奉制書。執鴈詣皇后第納采。既至。陳鴈於庭。主昏者迎使者入。再拜聽宣制畢。使者以制書授主昏者。主昏者受制書訖。奉答表以授使者。使者受命還。復命。**元** 納后依其舊俗。而六禮儀文無所考見。今擬

國朝

皇帝納后。先於

奉天殿遣使持節奉制書執鴈詣

皇后第納采。既至。主昏者再拜迎。使者入。又再拜。使者宣制。以制書授主昏者。主昏者受制畢。以答表進。授使者。再拜。又再拜以出。

問名

問名者。謂問后名目。將卜之也。**晉**穆帝納后。遣衛尉卿兼太常王彪之為使。兼宗正卿散騎侍郎司馬綜為副使。持節往問名。**唐**制。使者納采訖。出立於大門之內。曰。將加卜筮。奉制問名。主

昏者答曰。臣某之子若如人。既蒙制訪。臣不敢辭。使者陳鴈宣制。以制書授主昏者。主昏者再拜受制訖。以答表進。授使者。使者將出。主昏者復揖。使者入。行宴禮。以馬幣禮使者。**宋**遣使問名如**唐**儀。而禮使者以幣。無馬。今擬

國朝

納后。使者納采畢。出立於中門之外。取問

名

制書。執鴈。復入。使者宣制。以制書授主昏者。訖。復以鴈授主昏者。主昏者受制書及鴈訖。復以

答表進授使者。其宴禮使者之儀具見儀注。

納吉

納吉者。謂卜已得吉。往告之也。**唐**制。使者至。后氏弟曰。加諸卜筮。占曰從制。命某納吉。主昏者曰。臣某之女若如人。龜筮云吉。某謹奉典制。其陳鴈宣制授制書。與主昏者進答表之儀。皆與問名同。**宋**遣使者至皇后弟曰。加諸卜筮。占曰從制。使某告吉。主昏者曰。臣某之女初嚴文功。未燭婦道。卜筮云吉。臣預有焉。臣某謹奉典制。

使者入陳鴈宣制。其儀與**唐**同。今擬

國朝 納后既卜吉。遣使納吉。其詳見納吉儀注。

納徵

納徵者。用束帛告成。謂昏姻之禮成也。**唐**天子納后。遣使者奉珪玉幣馬制書至皇后弟。請曰。奉制納徵。主昏者曰。奉制賜臣以重禮。某祇承典制。受玄纁束帛。穀珪乘馬。北面再拜。其儀與納吉同。**宋**制。告成。遣使奉穀珪玄纁束帛制書至皇后弟。其儀皆與**唐**同。今擬

國朝 納

后遣使奉珪玉幣馬納徵其詳見納徵儀注。

請期

請期者謂請日也。昏禮納后六禮。五曰請期。**周**制既納徵遣使者詣皇后第請曰詢于龜筮。某月日吉制使某告期。主者曰既前受命惟命是聽。使者陳鴈授制書一如納吉之儀。**宋**納后請期其儀如**唐**今擬

國朝 納后遣使持節奉制請期詳見儀注。

奉迎

古者昏禮六曰親迎。**夏**迎於庭。**殷**迎於堂。**周**於戶。**魯**桓公八年祭公來遂逆后於紀。此天子遣使逆后之制也。**漢****晉**以來皆遣使持節奉迎。穆帝納何氏為皇后遣使持節往迎。**魏****晉**皇帝納后臨軒遣使持節詣皇后第行冊拜禮。皇后受冊於行殿。**唐**皇帝臨太極殿遣使持節賫冊寶車輦儀仗及禕衣首飾至后第行冊禮。皇后望闕再拜受冊畢復遣奉迎使執鴈及制書奉

迎宋遣冊奉迎一如唐儀今擬



皇帝納

后則於

奉天殿遣使持節奉冊寶車輅儀仗禕衣首飾等物至

皇后第以授內使內使奉冊寶至

皇后閣外。

皇后望闕再拜受冊寶訖復遣奉迎使執鴈及

制書奉迎詳見臨軒遣使冊命奉迎儀注。

同牢

古者昏禮同牢而食合登而醕所以合體同尊

卑也。北齊設皇帝皇后同牢坐於昭陽殿各三

飯訖及各醕二爵一登。唐設皇帝皇后御席於

所御殿皇帝在西皇后在東皇后至內殿門外

西向立皇帝揖后由西階升盥洗訖就席相向

坐尚食以韭菹醢醢進授皇帝皇后皇帝皇后

祭於豆間尚食以黍實及肺進授皇帝皇后皇

帝皇后復祭訖各酌二爵一盃飲畢尚容奏請
皇帝釋冕服又奏請皇后服常服皇后從者餽
皇帝之饌皇帝從者餽皇后之饌宋皇帝納后
同牢之禮與唐同唯不祭肺及不祭韭菹黍稷
等物今擬

國朝

皇帝納

后於宮中內殿設

御幄中設

皇帝

皇后御榻行同牢之禮其詳見同牢儀注

表謝

唐制皇后至宮之明日服展衣奉表稱謝司言
導從皇后升正殿北面再拜尚儀以謝表授皇
后皇后受表置于案又再拜訖尚儀以表授內
侍內侍因中書以聞宋皇后至宮之明日奉表
稱謝一如唐儀今擬

國朝

皇后既至宮。其明日奉表稱謝。詳見儀注。

謁廟

唐制。皇后至宮。擇日謁廟。前一日。皇后清齋於別殿。設皇后大次於太廟北門內。設宮懸之樂於廟庭。制以太尉及御史以祝奉告曰。皇后將伸祗見。謹以一元大武敬薦。其日。皇后首飾禕衣。乘輿以出。警蹕。侍御如常儀。尚宮率內外命婦及公主縣主。後從。皇后至廟庭。尚宮奏請。皇后再拜。又再拜訖。尚宮引皇后出。還大次。皇后

改服鈿釵禮衣。乘輿以還。**宋**皇后既至宮。擇日謁景靈宮。前一日。設皇后次於明福殿。至日。內侍導從。皇后服禕衣首飾。乘重翟車至廟所。內外命婦。後從至廟階下。西向立。內侍贊再拜。皇后及內外命婦皆再拜。內侍奏請。皇后詣聖祖香案前。三上香訖。降階。又再拜。出。今擬



皇后至宮。擇日謁

廟。其儀見

宗廟篇

受命婦朝

禮制。皇后至宮。有受內外命婦朝賀之禮。其儀與正冬朝會同。惟改賀辭曰。伏惟殿下坤儀配天。德昭厚載。率土含識。不勝抃舞。謹上千萬歲壽。今擬

國朝

皇后至宮之明日。受內外命婦朝賀。詳見朝會篇。

遣使儀注

前期。禮部移文太史院。擇某日奏告

天地

宗廟。某日遣使納采問名。太史院擇日以報禮部。禮部奏聞。翰林院承制撰納采問名制文。禮部依式樣製制書版書制文。訖命所司備馬。并其他禮物以伺。又承制命某官為使者。某官為副使。告示文武百官於

皇城守宿。至日。鳴鐘後。具朝服侍班。前一日。內

使監設

御座香案於

奉天殿正中。尚寶卿設寶案於

御座之南。侍儀司設制書案於寶案之南。設鴈及禮物位於

丹陛上。設主節官位於制書案之東。西向。執節者位於主節官之南。稍後。捧制官二人位於制書案之西。東向。舉案者位於捧制官之後。設承制官位於殿上及

丹陛之東南。設使者及副使拜位於

丹墀內道稍西。東上。北向。又設副使受制書位於拜位之北。使者在東。副使在西。俱北向。設執鴈者及舉禮物者位於

丹陛下之西。東向。贊禮二人位於

丹陛上之南。東西相向。司贊二人位於使者拜位之北。東西相向。知班二人位於司贊之南。東西相向。設文武百官侍立位於文武樓之北。東西相向。文武侍從班位於殿上之左右。引文武

班舍人四人位于文武官之北。稍後東西相向。引使者二人位于使者之北。西立東向。拱衛司光祿寺官對立位于

奉天殿門之左右。東西相向。將軍二人位于殿上簾前。東西相向。將軍六人位于

奉天門之左右。東西相向。又將軍四人位于

丹陛上之四隅。東西相向。又將軍六人位于

奉天殿門之左右。東西相向。鳴鞭四人于

丹陛上。北向。是日金吾衛陳設甲士儀仗于

午門外之西。拱衛司陳設儀仗于

丹陛丹墀之東西。設遮蓋制書黃蓋于

奉天殿前。和聲郎設樂位于

丹墀之南。備而不作。侍儀司設綵輿儀仗于

奉天門外正中。質明擊鼓初嚴。催班舍人催百

官具朝服。導駕官侍從官入迎

車駕次嚴。引班舍人引文武百官入就侍立位。

引禮引使者具朝服立于

丹墀之西。以伺諸執事者各就位。三嚴侍儀奏

外辦御用監跪奏請

皇帝服衮冕出

謹身殿尚寶卿奉

寶前導侍從導引如常儀至

奉天殿陛

御座尚寶以寶置于案捲簾鳴鞭雞唱報時訖
禮部官捧

制書置於案上執事者陳鴈及禮物於

丹陛上主節官執節者入就殿上位西向立承

制官立於主節官之北奉制官立於制書案之

西舉案者立於其後引禮引使者就

丹墀拜位贊禮唱鞠躬拜興拜興拜興拜興平

身使者鞠躬拜興拜興拜興拜興平身引禮引

使者及副使稍前至受制位北向立定承制官

進詣

御座前跪承制訖由中門出至

丹陛上宣制位奉制官率執事舉制案由中門

出拱衛司擎黃蓋遮護自中陛降以案置受制

位。主節官率執節者執節。前導至使者前。主節官西向立。執節者立於主節官之南。奉制官立於制書案之東。舉案者立於奉制官之後。西向承制官稱有制。典儀唱跪。使者跪。承制官宣制曰。

皇帝納某文為

皇后制。使卿等持節行納采禮。宣制訖。執節者脫節衣。以節授主節官。主節官受節。西向授使者。使者搢笏。跪受。以授執節者。執節者跪受節。

興立於使者之左。主節官退。奉制官就案取納采制書。西向授使者。受制書。興復置于案。出笏。退復位。奉制官復詣案。取問名制書。西向授副使。副使搢笏。跪受制書。興復置于案。出笏。退復位。奉制官退。引禮引使副。退就拜位。立定。贊禮唱鞠躬。拜。興。拜。興。拜。興。拜。興。平身。使者鞠躬。拜。興。拜。興。拜。興。平身。引禮引使副。從制書案出。執節者前導。舉案者次之。執鴈及禮物者由西陞陞。取鴈及禮物由中陞降。以次行制書案。

之後出

奉天門外。執節者加節衣。使者取制書安置於綵輿中。使者步從出。

午門外。儀仗在前。鼓吹次之。不作。執節者次之。

禮物次之。執鴈者次之。綵輿次之。使副從行於綵輿之後。初

制書出

奉天門。侍儀跪奏禮畢。

皇帝興還宮。引班引百官以次出。

納采儀注

前一日。侍儀司設使副次于

皇后第大門之外。南向。設使副序立位于

皇后第大門外之東。西向。北上。設主昏者序立

位于大門之西。東向。又設使副立位于正廳之

東。西向。北上。執節者位于使副之南。西向。執鴈

者位于執節者之南。西向。設主昏者拜位于階

下中道。北向。又設主昏者受制位于廳上正中。

北向。設贊禮二人位于主昏者拜位之北。東西

相向。設僎者二人，位于贊禮之南，東西相向。引使者二人，位于廳上之左右，東西相向。其日，使者乘馬持節，備儀仗鼓吹，備而不作奉制書禮物至。

皇后第，儀仗鼓吹分列于大門之左右，置綵輿于大門外之正中。設制書案于綵輿之北，使副下馬掌次者，延入次。執事者皆公服。僎者引主昏者朝服序立于大門內之西，東向。引禮引使副出次，使者就綵輿取納采。

制書置于案，引禮引使副立于大門外之東西向。持節者立于使副之南，稍後。執鴈者又于其南，俱西向。其他禮物各陳于大門外之兩旁。僎者進于主昏者之左，受命出詣使者前，請曰：「敢請事。」使者曰：「某奉制采擇。」僎者入告。主昏者曰：「臣某之文，未知壺儀，方飭姆訓，既蒙

詔訪，臣某不敢辭。」僎者出告訖，入引主昏者出迎。使者于大門之外北面立，贊禮唱鞠躬，拜興。拜興，平身。主昏者鞠躬，拜興，平身。使者不

答拜。儼者引主昏者先入。立于西階之下。引禮引使者入。執節者前導。禮物次之。持案及執鴈者從入。執節者脫節衣。執節立于正廳之東南。禮物陳于庭。舉案者舉制案設于正廳之中。使副立于制案之東。執鴈者立于使副之南。稍後。俱西向。引禮引主昏者就階下拜位。北向立定。贊禮唱鞠躬。拜。興。拜。興。平身。主昏者鞠躬。拜。興。拜。興。平身。儼者引主昏者自西階陞至制案前。北向立。使者稱有制。引禮唱跪。使者詣案取

制書宣制訖。以

制書授主昏者。主昏者跪。搢笏受。

制書以授左右。執鴈者以鴈授使者。使者受鴈。以授主昏者。主昏者受鴈。以授左右。引禮唱出笏。俛伏。興。平身。主昏者出笏。俛伏。興。平身。儼者引執事對舉答表案進。立于主昏者之後。少西。儼者取表以授主昏者。主昏者搢笏受表。跪授使者。使者受表。置于案訖。引禮唱出笏。俛伏。興。平身。主昏者出笏。俛伏。興。平身。引禮引主昏者

降階至拜位立定。贊禮唱鞠躬拜興。拜興平身。主昏者鞠躬拜興。拜興平身。引禮引主昏者退立于西。持節者加節衣。引禮引使副降自東階。舉案者對舉表案降自中階。執事者前導至中門外。使者取表置綵輿中。主昏者帥諸執事各徹禮物。

制文

或臨時撰。或用古制。答文同。

答文

凡答表。文之祖在。則曰某官某之

孫女。若姑姊妹。則曰先臣某官某

之遺女。後並同。

問名儀注

使者既出。立于中門之外。引禮引主昏者立于中門內。東向。引禮引使者出次。使者就綵輿中取問名。

制書置于案。引禮引使副立于中門外之東。西面。北上。舉案者對舉制案置于中門之正中。持節者立使副之南。執鴈者又于其南。賓者于主昏者之左。受命出詣使者前。請曰。敢請事。使者

曰將加卜筮。奉制問名。儂者入告。主昏者曰。臣某之女。被預詢擇。聞命祇懼。既蒙

制問。臣不敢辭。儂者出告訖。入引主昏者出迎。使者立于中門外之南。北面贊禮唱鞠躬。拜興。主昏者先入。立于西階之下。東面引禮引使者入。持節者前導。禮物次之。制案及執鴈者從入。執節者脫節衣。執節立于正廳之東南。執事者以禮物陳于庭。舉案者對舉制案設于正廳之

中。使副立于制案之東。執鴈者立于使副之南。稍後俱西向。儂者引主昏者就階下拜位。北向立定。贊禮唱鞠躬。拜興。拜興。平身。主昏者鞠躬。拜興。拜興。平身。儂者引主昏者自西階陞至制案前。北向立。使者稱有制。引禮唱跪。主昏者跪。副使詣制案前取

制書宣制訖。以

制書授主昏者。主昏者搢笏跪受。

制書以授左右。執鴈者以鴈授副使。副使受鴈。

以授主昏者。主昏者跪受鴈以授左右。引禮唱出笏。俛伏。興。平身。主昏者出笏。俛伏。興。平身。儂者引執事對舉笏表案進。立于主昏者之後。少西。儂者取表以授主昏者。主昏者搢笏受表。跪授副使。副使受表置于案。引禮唱出笏。俛伏。興。平身。主昏者出笏。俛伏。興。平身。儂者引主昏者降階就拜位立定。贊禮唱鞠躬拜。興。平身。主昏者退立于西。持節者加節衣。引禮引使副降自東階。舉案者對舉表案降自中階。執節者前導守至中門外。使者取笏表置綵輿中。主昏者帥諸執事各徹禮物。使者既出。立于中門外之東。副使在使者之南。主昏者遣儂者出詣使者前。請曰。敢請事。使者曰。禮畢。儂者入告。主昏者曰。某公奉制命至于某之室。某有先人之禮。請禮從者。儂者出告。使者曰。某既得將事。敢辭。儂者入告。主昏者曰。先人之禮。敢以固請。儂者又出告。使者曰。某既不獲辭。敢不從命。儂者入告。引禮引主

昏者入。先陞立于廳之西。執事者設禮賓席于正廳。引禮引使者及副使入。主昏者降西階出迎。使者陞自東階。主昏者陞自西階就座。使者西面坐。主昏者東面坐。行飲食之禮畢。賓主俱興。執事者以幣進於主昏者。主昏者受幣以授使副。使副受幣以授左右。引禮引使副出。降自東階。主昏者降自西階。至大門外。主昏者入。使副進發儀仗導從迎。綵輿至午門外。使副取答表入。

奉天西門授內使監令進入。

制文

答文 並見前註

納吉儀注

前一日。侍儀司設使副次于皇后第大門之外。設使副序立位于大門外之東。西面。北上。設主昏者序立位于大門內之西。東向。又設使副位于正廳之東。西向。北上。執節者位于使副之南。執鴈者位于執節者之南。皆

大明集禮卷三十三
西向設主昏者拜位于階下正中。北面。又設主昏者受制位于廳上之南楹。北向。設贊禮二人位于主昏者拜位之北。東西相向。設儼者二人位于贊禮之南。東西相向。設引使者二人位于廳上之左右。東西相向。預設制案于大門外之中。是日。使者奉

制書至

皇后第。儀仗分列于大門外之左右。置綵輿于大門外之正中。引禮延使者入次。儼者引主昏者出就大門內位。東向立。引禮引使者詣綵輿前取

制書置案上。退就位立。執節者立于副使之南。執鴈者立于執節之南。執事者陳禮物于大門外之左右。儼者出請事。使者曰。加諸卜筮。占曰。從制。使某告吉。儼者入告。主昏者曰。臣某之女。祇嚴女功。未燭婦道。卜筮叶吉。臣預有馬。儼者以告訖。入引主昏者出迎使者于大門之外。北面立。贊禮唱鞠躬拜興。拜興。平身。主昏者鞠躬。

拜興。拜興。平身。使者不答拜。僮者引主昏者先入。立伺于西階之下。東面。引禮引使者入。持節者前導。持案執鴈者次之。使副行于案後。由東階陞。舉案者以制書案置廳上之正中。使副立于制書案之東。使者在北。副使在南。執節者脫節衣立于使副之南。執鴈者又于其南。執事者以禮物陳于庭。訖。僮者引主昏者就拜位。北向立。贊禮唱鞠躬。拜興。拜興。平身。主昏者鞠躬。拜興。拜興。平身。僮者引主昏者自西階陞至制書案前。受制位。北向立。使者稱有制。僮者贊跪。主昏者跪。使者進詣案前取

制書宣訖。以

制書授主昏者。主昏者搯笏。跪受

制書。以授左右。執鴈者以鴈授使者。使者受鴈。以授主昏者。主昏者以授左右。訖。僮者贊出笏。俛伏。興。平身。主昏者出笏。俛伏。興。平身。僮者率執事舉笏。案進立于主昏者之後。稍西。僮者取表以授主昏者。主昏者搯笏。受表。跪進使者。

使者受表置于案。僎者贊出笏。俛伏興。平身。主昏者出笏。俛伏興。平身。僎者引主昏者降階。就拜位。北面立。贊禮唱鞠躬。拜興。平身。主昏者鞠躬。拜興。平身。贊禮唱禮畢。僎者引主昏者立于西。執節者加節衣。引禮引使者降自東階。執事者舉答表案出。持節者前導至大門外。使者取表置綵輿中。退立于東。其宴禮使者使者復命。並如問名之儀。

制文

答文

並見前注

納徵儀注

前一日。侍儀司于皇后第設使副次于大門外。如前儀。設使副序立。位于大門外之東。西向北上。設主昏者序立。位于大門內之西。東向。又設使副立。位于正廳之東。西向北上。執節者位于使副之南。設主昏者拜位于階下正中。北向。又設主昏者受制位于廳上之南楹。北向。設贊禮二人。位于主昏者

拜位之北。東西相向。僎者二人位于贊禮之南。東西相向。引使者二人位于廳上之左右。東西相向。預設制書案及玉帛案于大門外之正中。是日。使者奉

制書。穀珪玄纁束帛禮物。主

皇后第太門外。儀仗分列于左右。置綵輿于大門外之正中。引禮引使者入就次。執事者陳設禮物于大門外。六馬陳于禮物之南。北首西上。僎者引主昏者序立于大門內之西。引禮引使者出次。就綵輿中取

制書置案上。奉玉帛官取玉帛授使者。使者受玉帛置于案訖。退立于東。執節者立于其南。僎者出請事。使者曰。某奉制告成。僎者入告。主昏者曰。奉制賜臣以重禮。臣某祗奉典制。僎者告訖。入引主昏者朝服出迎。立于大門外。北面贊禮。唱鞠躬拜。興拜。興。平身。主人鞠躬拜。興。拜。興。平身。僎者引主人入立于西階之下。引禮引使者入。執事者舉制案及玉帛案入持節者先導。

至廳置制書案于正中。設玉帛案于制書案之南。使者立于制書案之東。執節者脫節衣。立于使者之南。奉玉者立于執節之南。執事者各以禮物陳于庭。牽馬者牽六馬陳于禮物之南。北首西上。儼者引主昏者就拜位立定。贊禮唱鞠躬拜興。拜興平身。主昏者鞠躬拜興。平身。儼者引主昏者升自西階。至制案前受制位。使者稱有制。儼者贊跪。使者詣案取

制書宣訖。以授主昏者。主昏者跪。播笏受。

制書以授左右。奉玉官詣案取玉加于玄纁之上。進授使者。使者受玉帛以授主昏者。主昏者跪受玉帛。以授左右。儼者贊出笏。俛伏興。平身。主昏者出笏。俛伏興。平身。儼者引執事舉笏。表案進立于主昏者之後。少西。儼者取表進授主昏者。主昏者受表。跪進使者。使者受表置于案。儼者贊俛伏興。平身。主昏者俛伏興。平身。引禮引主昏者降階。就拜位立定。諸執事及使者各退就位立定。贊禮唱鞠躬拜興。拜興。平身。主昏

者鞠躬拜。興拜興。平身。贊禮唱禮畢。賓者引主昏者退立于西。引禮引使者降自東階。執事者舉表案持節者前導至大門外。使者取表置綵輿中。退立于東。主昏者帥諸執事各受禮物及馬。其禮使者及使者復命。並如告吉之儀。

請期儀注

與納吉同。但請辭曰。制使某告期。主昏者答曰。臣謹奉制。

制文

答文

註並見前

臨軒命使用。后及奉迎儀注

前期。太史院擇日。翰林院撰冊文及制文。工部造冊寶。罩衣首飾車輅儀仗。禮部備合用禮物。奏聞訖。遣使告

太廟。又取制。以某官為授冊使。某官為授寶使。某官為奉迎使。某官為奉冊官。某官為奉寶官。某官為主節官。某官為承制官。某官為奉制官。告示文武百官于

九日集禮 卷三十五 三十五
皇城守宿。是日鐘鳴後。具朝服侍班。前一日。內使監令設

御座香案于

奉天殿。如常儀。尚寶卿設寶案于

御座之南。侍儀司設

皇后冊寶案于香案之北。冊東寶西。設制書案于冊寶案之北。正中。設主節官位于制書案之東。執節者二人位于主節官之左。差退。俱西向。設承制官位于主節官之南。及

丹陛上之東南。設捧制官。捧冊寶官位于冊寶案之西。東向。舉冊寶制書案舍人位于其後。設冊寶使及奉迎使。拜位于

丹墀內道之西。北面東上。又設冊寶使及奉迎使。受冊寶制書位于使者拜位之北。

丹陛下之正中。北向。設執鴈者并舉禮物者位于

丹墀下之西。俱東向。贊禮二人位于

丹陛上之南。東西相向。司贊二人位于使者拜

位之北。東西相向。知班二人位于司贊之南。東
西相向。設文武百官侍立。位于

文武樓之北。文東武西。東西相向。引冊寶使及
引奉迎使舍人二人。位于使者拜位之北。西立
東向。引文武班舍人四人。位于文武班之北。稍
後。東西相向。拱衛司。光祿寺官位于

奉天殿門之左右。將軍二人。位于殿
上簾前之左右。將軍六人。位于

奉天殿門之左右。將軍四人。位于

丹陛上之四隅。將軍六人。位于

奉天門之左右。俱東西相向。鳴鞭四人。位于

丹陛上。北向。是日。金吾衛陳設甲士儀仗于
午門外之東西。陳設旗仗于

奉天門外之東西。拱衛司陳設儀仗于

丹陛丹墀之東西。設遮蓋

制書黃羅蓋一。遮蓋冊寶紅羅蓋二于

奉天殿前。和聲郎設樂于

丹墀之南。備而不作。擊鼓初嚴。催班舍人催百

官具朝服。導駕官侍從官入迎。

車駕次嚴。引班舍人引文武百官入就待立位。禮部官陳冊寶綵輿及制書綵輿于

奉天門外。陳

中宮車輅儀仗冠服于綵輿之南。引禮引冊寶使奉迎使各具朝服立于

丹墀之西。以伺諸執事者各就位。三嚴。侍儀奏外辦。御用監官跪奏請

皇帝具袞冕。尚寶卿侍儀導從如常儀。至

奉天殿。陛

御座。尚寶卿以寶置于案。捲簾。鳴鞭。雞唱報時訖。禮部官以冊寶

制書各置于案。陳鴈及他禮物于

丹陛上。奉冊奉寶官立于冊寶案之西。東向。舉冊寶案舍人立于其後。主節官立于冊寶案之東西向。執節者二人立于其南。稍後。奉制官立于主節官之南。承制官立於奉制官之南。俱西向。引禮引冊寶使奉迎使各就

丹墀拜位立定贊禮唱鞠躬拜興拜興拜興拜興平身冊寶使以下皆鞠躬拜興拜興拜興平身承制官進詣

御座前跪承制訖興由中門出至

丹陛上宣制位主節官率執節者由中門出中陛降立于使者之東北西向舉冊案舍人舉冊案奉冊官從其後舉寶案舍人舉寶案奉寶官從其後皆由中門出校尉各擎紅羅蓋遮護冊寶由中陛降以冊寶案置于

丹陛下之正中舉冊寶案舍人退立于西奉冊寶官立于冊寶案之東引禮引授冊授寶使稍前詣受冊寶位北面立承制官稱有制典儀唱跪冊寶使皆跪承制官宣制曰冊某氏為皇后

皇帝制命爾某持節奉冊寶行禮宣制訖執節者脫節衣以授主節官主節官受節以授授冊使授冊使搢笏跪受節以授執節者執節者跪受節興立于冊使之右奉冊官詣冊案取冊西

向以授授冊使。授冊使跪受冊。興復置于案。出笏。退復位。奉冊官亦復位。奉寶官詣案取寶。西向以授授寶使。授寶使搢笏。跪受寶。興復置于案。出笏。退復位。奉寶官亦復位。引禮引授冊。授寶使退就拜位。北向立。承制官由西門入。回奏訖。引禮引奉迎使稍前詣受制位。北向立。承制官進詣

御座前跪。承制由中門出。至

丹陛上。舉制書案。舍人對舉制案。奉制官從其

後。由中門出。校尉擎黃羅蓋遮護。

制書由中陛降。以制案置于冊寶案之前。舉制書案。舍人退立于西。奉制官立于東。承制官稱有制。典儀唱跪。奉迎使跪。承制官宣

制曰。

皇帝制命某官持節奉迎。

皇后宣制訖。執節者脫節衣。以節授主節官。主節官受節。以授奉迎使。搢笏。跪受節。以授執節者。執節者跪受節。興立于奉迎使之右。

奉制官詣案取

制書西向授奉迎使奉迎使跪受

制書興復置于案出笏退復位奉制官亦復位

引禮引奉迎使退就拜位立定贊禮唱鞠躬拜

興拜興拜興拜興拜興平身冊寶使以下皆鞠躬拜

興拜興拜興拜興平身典儀唱禮畢舉案舍人

各舉案出

奉天門

制書在前冊次之寶次之仍以蓋遮護執鴈及

執禮物者由四陛陞各執物由

中陛降從于案後冊寶使奉迎使以次從出二

執節者前導至

奉天門外奉迎使取

制書置綵輿中冊寶使取冊寶置綵輿中以次

進發由

午門中門出

皇后儀衛在前次車輅次冠服次鴈次禮物綵輿衆官從行于後至

大朝集禮 卷三十五 四十一
皇后第。行冊禮。及奉迎如後儀。

受冊儀注

前一日。侍儀司設冊寶使幕次于

皇后第門外。設內使監官幕次于中門之外。設
內外命婦幕次于中門之內。設尚宮及宮人幕
次于

皇后閣外。設使者序立位于大門外之東。副使
及內使監官于使者之南。執節者位于使者之
北。少退。俱西向。設主昏者序立位于大門內之

西。東向。又設使副位于中門外之東。西向。執節
者位于使副之北。設授冊寶內使監官及讀冊
寶奉冊寶監官位于使副之北。西向。設主昏者
位于奉冊寶之南。司贊二人位于中門之左右。
東西相向。引使者二人位于司贊之南。東西相
向。又設

皇后座于閣之正中。設冊寶案于

皇后座之南。設香案于閣門外之庭中。隨

闕所向。設權置冊寶案于香案之前。冊東寶西。

設

皇后受冊寶位于案前。北向。設司言司寶一人位于

皇后位之西。東向。設授冊寶內使監官位于冊寶案之東。西向。設讀冊寶內使監官位于授冊寶使之北。西向。設尚宮傅姆位于

皇后之左右。設宮人侍立位于傅姆之後。東西相向。設內外命婦拜位于庭下。重行。北向。尚儀二人位于

皇后拜位之北。東西相向。司贊二人位于內外命婦拜位之北。東西相向。其日侵晨。內外命婦各服其服。先至

皇后第。幕次以伺。冊寶使奉迎冊寶至

皇后第。儀仗鼓吹。分列于大門外之左右。備而不作。陳冊寶綵輿于大門外之正中。進

皇后鹵簿儀仗。重翟等車。以次列于大門之內。掌次延冊寶使入。就次。內使監官入。就次。尚宮及宮人先奉

皇后首飾褱衣入就次。冊寶使既至次，僮者引主昏者朝服立于大門內之西，內侍引內使監官序立于中門之外。引禮引冊寶使出次，詣綵輿前取冊寶置案上。立于大門外之東，執節者立于其北。僮者出詣使者前，請曰：「敢請事。」使者曰：「某奉制授。」

皇后備物冊寶，僮者入告，遂引主昏者出迎。使者于大門外之南，北面立。僮者唱鞠躬拜，興拜，與平身。主昏者鞠躬拜，興拜，與平身。使副不答。

拜。僮者引主昏者先入，立于中門外之西，東向。執節者導使副入，執節在前，持案者次之。使副從其後，至中門外，以案置于位。冊東寶西，使副各就位立定。持節者脫節衣，使者詣案取冊，以授授冊內使監官。內使監官受冊以授內侍。內侍受冊立于內使監官之右。副使詣案取寶，以授授寶內使監官。內使監官受寶以授內侍。內侍受寶立于授寶內使監官之右。舉案者以案退。使副亦退就位。內侍奉冊寶由中門入。授冊

寶內使監官及讀冊寶內使監官從入至閣門外。以冊寶置于案。尚宮及宮人奉

皇后首飾。禕衣入閣請

皇后具首飾。禕衣訖。尚宮傳姆。宮人內侍等導從。

皇后出宮。在前。傳姆次之。宮人四人執扇擁護。二人在前。二人在後。皆分列左右。宮人內侍皆從其後。至閣門外。降自東階。詣香案前。向闕立。尚宮傳姆分立于左右。內侍引內外命婦就庭下。分東西相向立。內使監官稱有制。尚儀奏拜興。拜興。

皇后拜興。拜興。尚儀奏讀冊。讀冊。內使監官進詣案取冊。讀冊于

皇后之右。讀訖。以授授冊。內使監官進授皇后。

皇后受冊。以授司言。司言受冊。捧立于

皇后之左。尚儀奏讀冊。讀寶內使監官詣案取寶。讀于

皇后之右讀訖以授搢
寶內使監官授寶內使
監官進授

皇后。

皇后受寶以授司寶。寶受寶捧立于

皇后之左尚儀奏拜。拜興。

皇后拜興拜興尚儀奏請陞座尚宮傳姆導引

皇后由東階陞即

御座司言司寶捧用案置于案退立于左右尚

宮傳姆及宮人內侍應侍衛者各陞立于侍立

位內侍引內外命婦就拜位北向立司贊唱拜

興拜興拜興拜興內外命婦皆拜興拜興

拜興內侍引命婦班首一人陞西階詣

皇后座前致辭曰伏惟

殿下坤象配天德昭厚載率土含識不勝抃舞

賀訖內侍引命婦由西階降復位司贊唱拜興

拜興拜興拜興內外命婦皆拜興拜興拜興

興司贊唱禮畢尚儀奏禮畢

皇后降座尚宮傳姆仍導從

大明集禮卷之三十一
四十一
皇后入閣。內外命婦送至閣。出就次。內使監官出告禮畢。冊寶使副退。主昏者禮宴使副。內使監官畢。冊寶使副復命。並如告期之儀。

奉迎儀注

前一日侍儀司設奉迎使副幕次于

皇后第大門之外。設內使監官次于中門之外。設尚宮及宮人次于閣門之外。設奉迎使者位于大門外之東。西向。設制書案于大門外之正中。設主昏者序立位于大門內之西。東向。又設

使者立位于正廳之東。西向。執節者位于其北。執鴈者位于其南。皆西向。設主昏者拜位于階下正中。北向。贊禮二人位于主昏者拜位之北。東西相向。設主昏者受制位于正廳之南楹。北向。設儼者二人位于贊禮之南。東西相向。引使者二人位于正廳南楹之左右。東西相向。設皇后御座于閣之正中。設香案于閣門外之庭中。隨

闕所向。設主昏者醮戒位于東階之上。西向。設

大明集禮卷之三十三
后母醮戒位于西階之上東向。設尚儀二人位于香案之左右。設司言司寶二人位于

皇后御位之南。司言在左。司寶在右。設尚宮傅姆侍立位于

皇后御座之左右。東西相向。設宮人內侍侍立位于尚宮傅姆之後。東西相向。其日奉迎使乘車持節備儀仗鼓吹。備而不作。迎。

制書綵輿至

皇后第。儀仗鼓吹分列于大門外之左右。綵輿

置于大門外。制書案之南。執事者陳禮物于中門之內。

皇后儀仗車輅陳于大門之內。掌次者延奉迎使入次。內侍延內使監官及尚宮宮人等各入就次。文武百官奉迎者皆朝服立于大門之外。東西相向。立定。尚儀入閣詣

皇后前請中嚴。尚宮及宮人諸擎執導從者各擎執入閣。分立于左右。引禮引奉迎使詣綵輿前取。

制書置于案。退立于東。執節者立于其北。執鴈者立于其南。皆西向。僉者出。詣奉迎。使前請曰。敢請事。使者曰。某奉制。以令月吉辰。以禮奉迎。僉者入告。主昏者曰。臣謹奉典制。僉者出告。引入。主昏者迎于大門外之南。北向。僉者唱鞠躬。拜興。拜興。平身。使者不答拜。僉者引主昏者先入。立於西階下。引禮引奉迎使入。執節者前導。執鴈持案者次行。奉迎使後從。由中階陞。置案于廳之正中。奉迎使立于制書案之東。執節者脫節衣。立于使者之北。執鴈者立于使者之南。僉者引主昏者就拜位。立定。贊禮唱鞠躬。拜興。拜興。平身。主昏者鞠躬。拜興。拜興。平身。僉者引主昏者由西階陞。至制書案前。奉迎使稱有制。僉者唱跪。主昏者跪。奉迎使進詣案取制書宣訖。以

制書授主昏者。主昏者搯笏跪受。

制書以授左右。執鴈者以鴈進授奉迎使。奉迎

使受鴈。以授主昏者。主昏者受鴈。以授左右。儗者唱出笏。俛伏。興。平身。主昏者出笏。俛伏。興。平身。執事者舉笏。表案進立于主昏者之後。少西。儗者取表進授主昏者。主昏者搢笏。受表。跪授奉迎使。使奉迎使受表。置于案。儗者唱俛伏。興。平身。主昏者出笏。俛伏。興。平身。儗者引主昏者降西階。至拜位。贊禮唱鞠躬。拜。興。拜。興。平身。主昏者鞠躬。拜。興。拜。興。平身。贊禮唱禮畢。儗者引主昏者退立于西。引禮引使者出。執節者加節衣。

前導持案者舉案。由中階出。使者後從。至大門外。取表置綵輿中。訖。奉迎使入。立伺于中門外之南。北向。拱衛司進。

皇后肩輿于階下。設重翟車于中門之外。鹵簿儀仗以次陳設于大門外之左右。尚儀奏外備。尚宮傳姆導引。

皇后首飾禕衣出閣。諸宮人擊執前後擁護至閣門外。陞堂。即

御座。尚宮傳姆及諸宮人侍御于左右。內侍出

中門外。至奉迎使前。東向立。贊禮唱鞠躬拜。興拜。興。平身。奉迎使等皆鞠躬拜。興拜。興。平身。進詣內侍前。曰。令月吉日。某等率職奉迎。內侍受以入。傳于司言。司言奏聞訖。尚儀奏請

皇后降

御座。尚宮傅姆導引

皇后降自東階。立于香案前。尚儀奏拜。興拜。興。皇后拜。興。拜。興。尚儀奏請

皇后陞堂。尚宮傅姆導引

皇后由東階陞。南向立。主昏者進于

皇后之東。西面戒之。曰。戒之敬之。夙夜無違命。主昏者退。立于東階之上。西向。后母進于

皇后之西。東面施衿結帨。帨。佩巾。曰。勉之敬之。夙夜無違。訖。尚儀奏請

皇后乘輿。尚宮傅姆導引

皇后降階。升輿。宮人前後擎執擁護。六尚以下侍從如常。至中門外。尚儀奏請降輿。乘輅。皇后降輿。乘輅。導從出大門外。初

皇后將升輿引禮引文武百官分左右北向立
于大門之外俟

皇后乘輅出尚儀奏

車駕少駐贊禮唱鞠躬拜興拜興拜興拜興平
身文武百官皆鞠躬拜興拜興拜興拜興平身
拜訖分東西相向立儀仗鼓吹及綵輿先發執
節者前導奉迎使副後綵輿之後次文武百官
行次

皇后鹵簿行次導

皇后內使監官乘馬行次冊寶綵輿行次

皇后車輅行尚宮傅姆及諸宮人皆乘輦行車
輅之後內侍內使乘馬行宮人之後宿衛護衛
官行內使之後甲士器仗從至

午門外鳴鐘鼓

其鐘鼓所以聲告內外

鐘鹵簿止

奉迎使副奉答表先入復命並如冊后儀

同牢儀注

前一日內使監預設

皇后大次二一于

奉天殿門外之西南向。一于

皇宮內殿庭之南。北向。尚寢設

御幄于內殿之正中。設

皇帝御榻于

御幄中之東。西向。又設

皇后御榻于

御幄中之西。與

皇帝御榻相對。尚宮設

皇帝御巾洗一于殿之南。司中宮人位于御洗

之南。司盥宮人位于御洗之北。皆西向。設

皇后御巾洗一于殿之北。司中宮人位于后洗

之南。司盥宮人位于后洗之北。皆東向。設酒案

于

御幄之南。正中。陳御酒樽于案上。設四爵兩盃

于御酒樽之北。盃古用匏。今以酒器代之。設御

食案二于酒案之北。其日晡後。

皇后車輅入

午門。至

奉天門外大次。回車南向。施步幛。繖扇等畢。內使監官進當車前跪。奏請

皇后降車乘輿。興。退。復位。

皇后降車入大次。陞肩輿。宮人侍從各擎執如前儀。至。

內殿庭大次。內使監令奏請

皇后降輿。執扇繖。籠宮人布列前後。尚宮導引。

皇后入內殿庭之大次。嚴整以俟。內侍進詣

皇帝前。版奏請中嚴。御用監奏請

皇帝服通天冠。絳紗袍。內使監官及宮人擎手執導從。出至內殿。陞

御座南向。左右侍御如常儀。

皇后入次。少頃。尚宮前奏請

皇后降座。

皇后興。尚宮導引出殿庭之西。東向立。內侍詣皇帝前。版奏外辦。內使監令奏請

皇帝降座禮迎。

皇帝興。內侍導引降詣殿庭之東西向揖
皇后以入。內侍導引

皇帝先陞。尚宮導引

皇后從陞。內侍奏請

皇帝詣南御洗所。內侍奏盥手。宮人酌水。

皇帝盥手。內侍奏悅手。宮人以巾進。

皇帝悅手。內侍奏請

皇帝就御榻前西向立。

皇帝盥手時。尚宮奏請

皇后詣北御洗所。尚宮奏盥手。宮人酌水。

皇后盥手。尚宮奏悅手。宮人以巾進。

皇后悅手。尚宮奏請

皇后就御榻前東向立。內使監令跪奏。請就
御座。

皇帝

皇后皆坐。

皇帝侍從立于御幄之東。

皇后侍從立于御幄之西。內使監官各舉食案

進于

皇帝

皇后之前。

皇帝

皇后皆品嘗訖。尚食各徹饌。尚醞取爵酒進供

手

皇帝

皇后。

皇帝

皇后皆飲訖。尚醞各徹虛爵。尚食再以饌進。

皇帝

皇后進饌訖。尚食徹饌如前。尚醞再取爵酒以

進。

皇帝

皇后飲訖。尚醞徹爵如初。

皇帝

皇后三饌訖。尚醞取盞酌酒以進。

皇帝

皇后俱受盃飲訖。尚醞徹虛盃。內侍跪奏禮畢。
皇帝

皇帝俱興。內侍及內使監官宮人等導從。
皇帝入宮。尚宮及內使監官宮人等導從。

皇后入幄。尚宮奏請

皇帝更禮服。尚寢奏請

皇后服常服。

皇后從者餞

皇帝之饌。

皇帝從者餞

皇后之饌。

表謝儀注

詳見冊拜篇。

謁廟儀注

詳見冊拜篇。

皇后受內外命婦朝儀注。

詳見朝會篇。

皇帝受群臣賀儀注

詳見朝會篇。

大明集禮卷之三

三

臨軒遣使

集禮卷之三

將軍

將軍

將軍

將軍

將軍

將軍


文官侍立位

武官侍立位

引班

引班

樂



集禮卷下五十九

護衛衛衛衛衛衛衛衛衛衛衛

鎮撫

贊禮

贊禮

鎮撫

贊禮

贊禮

引禮

引禮

護衛衛衛衛衛衛衛衛衛衛衛

納采 問名 納吉 納成 請期 同

使副次

使副次位

門

主會官位

集禮卷十五 六

將軍

將軍

司馬

司馬

司馬

司馬

司馬

司馬

司馬

司馬

司馬

文官行立位


武官行立位

奉內官


奉內官

奉內官


受冊




卷五十一



合殿



集禮卷五 李二




侍讀 侍書 侍史 侍從 侍衛 侍儀 侍酒 侍膳 侍藥 侍醫 侍巫 侍祝 侍史 侍從 侍衛 侍儀 侍酒 侍膳 侍藥 侍醫 侍巫 侍祝


大明集禮卷二十五

大明集禮

卷二十五

六十三





大明神

卷三十三

三十三

